

Oqaluuserisassanut nassuiaat.

(Inatsisartut Siulittaasuut)

Kultureqarnermut, Ilinniartitaanermut, Ilisimatusarnermut Ilageeqarnermullu Ataatsimiititaliaq imm. 36-ip aappassaaneerneqarnissaata UKA2014-imut kinguartinneqarnissaanik qinnute-qarpoq.

Imm. 36-ip qulequtaraa: Upernaviup eqqaani nunaqarfimmi Innaarsunni oqaluffiliornissamut Naalackersuisut AIS15-imi 10 mio. kr.-inik immikkoortitseqqullugit peqquneqarnissaannik Inatsisartut aalajangiiffigisassaattut siunnersuut.

Inuussutissarsiornermut Ataatsimiititaliaq imm. 124-ip aappassaaneerneqarnissaata pingajussaaneerneqarnissaata UKA2014-imnut kinguartinneqarnissaannik qinnuteqarpoq. Imm. 124-p qulequtaraa: Uunga siunnersuut: Tuniniaanissamik nittarsaassisarneq aamma nalunaaqutsersuisarneq pillugu Inatsisartut inatsisaat nr. xx, xx 2014-imeersoq (tuniniaanissamik nittarsaassisarnermut inatsit)

Sanaartornermut Ataatsimiititaliaq imm. 138-ip aappassaaneerneqarnissaata pingajussaaneerneqarnissaatalu UKA2014-imut kinguartinneqarnissaannik qinnuteqarpoq. Imm. 138-p qulequtaraa: Kalaallit Nunaanni annaassiniarnissamut upalungaarsimaneq aamma ikuallattoornissamik qaartoornissamillu pitsaaliuinermi iliuusissat pillugit Inatsisartut inatsisaata allangortinneqarnissaa pillugu Inatsisartut inatsisaat nr. xx, xx. xxxx 2014-imeersumut siunnersuut.

Inuussutissarsiornermut Ataatsimiititaliaq immikkoortut 20 aamma 21 aappassaaneerneqarnissaa kinguartinneqarnissaanik qinnuteqarpoq.

Imm. 20-p qulequtaraa: Naalackersuisut suliffissaaleqinerup ataavartumik akiorneqarnissaa-nik siunertaqartumik ataatsimoorussamik pilersaarummik piaartumik suliarinninnissamik peqquneqarnissaannik Inatsisartut aalajangiiffigisassaattut siunnersuut. Pilersaarummi Sanaartugassanut Iluarsagassanullu Aningaasaateqarfimmi aningaasat uninngaannartut inuiaqatigiit akornanni sulisinneqalernissaannik, nunaqarfimmi aalisakkerivinnik sullissinissamut isumaqa-tigiissutinut aningaasaliissutit amerlineqarnissaannik kiisalu illersorneqarsinnaasumik aalisagartassat amerlineqarnissaannik imaqassaaq. Pilersaarut Inatsisartut ataatsimiinneranni maanna ingerlasumi saqqummiunneqassaaq, (Siumup Atassutillu Inatsisartunut ilaasortaataitai)

imm. 21-p qulequtaralugu: Nunatsinni annertuumik suliffissaaleqinerup piaartumik ataavartumillu annikillisinneqarnissaa siunertaralugu Naalackersuisut ataatsimoorumik periusissamik Inatsisartunut saqqummiussaqaarnissaannik Inatsisartut aalajangiiffigisassaattut siunner-suut. (Inuit Ataqtigiit, Partii Inuit aamma Partii Naleraq Inatsisartunut ilaasortaataitai)

Immikkoortut pineqartut ulloq 27. maj aappassaaneerneqassapput.

Siunnersuuteqartup oqaluuserisassani imm. 73 tunuartippaa.

Imm. 73-ip qulequtaraa: Qanoq iliorluni akileraarutinut A-nut ilanngaaticip (sulinerlut akileraarut) ukiuni tulliuuttuni qaffatsaaliorneqarnissaa pillugu apeqquteqaat allaavigalugu oqallinnissamik siunnersuut.

Siunnersuut ulloq 3. juni oqaluuserineqartussaagaluarpog, maannalu tassa oqaluuserisassanit peerneqarluni.

Pingasunngornermi ulloq 21. maj akunnermi apeqquteqarfiusinnaasumi pilersaarutaagaluarpog Naalakkersuisut Siulittaasuata aperineqarsinnaanissaa. Angalanerli pissutigalugu taarsiullugu pingasunngornermi ulloq 21. maj Aalisarnermut, Piniarnermut Nunalerinermullu Naalakkersuisog aperineqarsinnaassaaq.

Ilaasortat uku akornanni taasisarsarnerit pillugit isumaqatigiissuteqartoqarpoq:

Evelyn Frederiksen, Siumut aamma Kuupik V. Kleist, Inuit Ataqatigiit

Doris Jakobsen, Siumut aamma Juliane Henningsen, Inuit Ataqatigiit

Aleqa Hammond, Siumut aamma Mimi Karlsen, Inuit Ataqatigiit